

ten in vzluchen an di stein. So der sieche wol
dar inne erswitze so heiz in vz gen. vñ gib
aber di grozzen tyriacam. andern andern ta
ge lazze im aber zader. vñ si er vergiht vber
al den lip so salbe in vmb den half. vñ vmb
den rokke. mit violole vñ mit marceaton.
nim iecwederf gelich. vñ mische dar zv pvl
ver von pibergel. ze wngist gib im diu choz
nel. diu da heizzent castoree. vñ salbe in vmb
den half. vñ vmb den rokke des ersten. dar
nach salbe daz lic da daz vergiht an ist mit
der salben. Nun so vch von den chrovttern diu
da genant sine vñ nim als vil in vze ol. vñ
violole vñ siude daz vnder ein ander vneze
daz sich der so vch gar in geside. dar nach tv
rotel wahl dar zv. vñ mache ein salben. So
daz vergiht ist inden hovpt. od ande halse.
so mache de siechen des ersten misent. dar nach
mache im ein gargasilinvm. inden half vñ
beschre im daz hovpt vñ salbe imz mit viol
ole vñ honige. nim iecwederf gelich mache
im ein phlaster vñ daz hovpt von gepvl
verten senfe. vñ von gepvlverten rosen vñ